

Comment. In Danielem

uid affluentia rerum secundarum potiretur, poterat preces remittere, aut illis frigidē vti, & Dei aliquando obliuisciat: calamitate oppressus statim ad Deum preces ardentissimas fundebat. Ad dominum, inquit ille, cum tribularetur clamaui, & exaudivit me. Et alibi: Tribulationem & dolorem inveni, & nomen domini inuocaui. Inuenimus, quod quaerimus, reperimus, quod casu se offert. Quærebat pius vir afflictionē, qua pro Deo lata oblectabatur. Eius vero utilitatem exprimit, dicens: Et nomē domini inuocaui. Aliud est inuenire calamitatem, aliud ab ea inueniri. Ipse enim ait: Tribulatio & angustia inueniunt me. Sed in utroque auxilium Dei implorabat. Respice, inquit ille, in me, & miserere mei, quia vnicus & pauper sum ego. Vel ut rectē etiam transferri potest ex Hebræo: quia solus & afflictus sum ego. Videns se omni hominum auxilio destitutum, & ærumnis vndique cinctum, Deū obsecrabat, ut eas placidis oculis intueretur, sibi que misericordiam tribueret. Præsidio humano orbatus ad diuinum aspicebat. Ut auis in terra aucupibus & canibus circumcincta non habet melius refugium, quam volare vehementer, seque ferre in sublime, & in altum leuare: sic vir pius calamitatibus exagitatus, & meroribus obsessus ad animi volatum confugit, stens suspicit in cælum, & pietatis alis ad Deū ascendit, hocque salutari remedio vitæ suæ subueniendum putat. Id intelligens Esaias aiebat: Domine in angustia requisierunt te. Et: apud Osam ait Deus. In tribulatione sua manē confurgent ad me. Nec solum homines vitæ implicatos sollet Deus affligere, ut se ad meliorem frugem recipiant, sed innocentes interdum, ut eius gloria in eorum liberatione resurgat: iuxta id quod ipse dixit apud Ioanem: Nec hic peccauit, nec parietes eius, sed ut manifestentur opera Dei in illo. In terdum etiam viros iustos & pios calamitatibus affici permittit, ut rerum humanarum tolerantia muniti, & admirabili in virtute constantia roborati præbeant alii exempla salutaria, sibi que maiorem comparēt gloriam, atque ampliore nominis celebritatem. Nihil enim magis conducit ad eximie virtutis gloriam illustriam, quā calamitas pro Deo æquo animo tolerata. Solet Deus viros religione insignes, omniumque virtutum ornamentis decoratos per varios casus plerique, & per acerbas ærumnarum angustias ad vitam ducere immortalem, ubi Deo ipso auro semper fruuntur. Sunt enim calamitates gradus scilicet Iacob ad cælum ascendentes: & ut verbis utar Gregorij Nysseni, afflictiones piorum virorum flores sunt fructuum, qui expectantur. Id animo percipiens diuus Paulus in Epistola ad Romanos: Gloriamur, inquit, in tribulationibus, scientes quod tribulatio patientiam operatur, patientia autem probationem, probatio verò spem, spes autem non confundit. Vide orationis gradationē, & admirabilem apostoli elegantiam. Et Christus in Euangelio auctore Matthæo: Beati qui persecutionem patiuntur propter iustitiam, quoniam ipsorum est regnum cælorum. In Apocalypsi diui Ioannis de iis qui in æterna gloria & cœlesti securitate quiescunt, scriptum est: Hi sunt, qui veniunt de tribulatione magna. Meror fluit & euascescit, & in æternum volupertum redigitur: iuxta id Seruatoris nostri: Tristitia vestra conuertetur in gaudium. Ut, n. Similitudo oliuæ quæ in anno vno fructus non edūt, in altero eos ferunt vberimos atque præstantissimos: sic viri iusti qui in anno fluxu huius vitæ sunt volupertibus mundi priuati, in anno æterno alterius vitæ admirabilibus oblectationibus perfunduntur, bonorumque omnium copia cumulantur. Aspicias igitur esse calamitatem potius in bonis, quam in malis munerandam. Quare non est mirandum, voluisse Deum Hebræos affligere per Nabuchodonosorem, de quo hoc loco loquitur Daniel.

¶ Iradidit Dominus. Ostendit Daniel fuisse Babylonios victoriam hanc potius voluntate Dei, quam suis armis consecutos, id Iudeorum peccatis exigentibus. Id voluit Esaias ostendere in exitu Samaritæ per regem Assyriorum, quem capite decimo virgam furoris Dei vocat. Et ne vastitatem illam Assyrius sibi tribueret, non Deo,

Psa. 119

Psa. 114

Psa. 118

Psa. 124.

Similitudo.

Esa. 26.

Ose. 6.

Ioan. 9.

Gen. 28.

Nyssen.

Rom. 5.

Mat. 5.

Apoc. 7.

Ioan. 16

Similitudo

do.

Esa. 10.

Deo,